



Broj: UP09-07-1-1734/21
Sarajevo, 17.09.2021. godine

Ministarstvo pravde Bosne i Hercegovine, rješavajući zahtjev „Asocijacije kompozitora-muzičkih stvaralaca“, sa sjedištem u Sarajevu, ulica Trg solidarnosti broj 2a, zastupane po punomoćniku Zajedničkoj advokatskoj kancelariji Jasmir Muratović, Tanja Hadžagić, Ilvana Bijedić, sa sjedištem u Sarajevu, ulica Radićeva broj 17, u predmetu upis promjena u Registru udruženja, na osnovu člana 43. stav 2. Zakona o udruženjima i fondacijama Bosne i Hercegovine („Službeni glasnik BiH“, br. 32/01, 42/03, 63/08, 76/11 i 94/16) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija („Službeni glasnik BiH“, broj 68/18), donosi

RJEŠENJE

1. U Registru udruženja Ministarstva pravde Bosne i Hercegovine, kod „Asocijacije kompozitora-muzičkih stvaralaca“, sa sjedištem u Sarajevu, ulica Trg solidarnosti broj 2a, upisanog pod registarskim brojem: RU-28/02, Knjiga I Registra, dana 12.09.2002. godine, upisuju se promjene, kako slijedi:
 - 1.1 Izmjene i dopune Statuta Udruženja, broj: 01/16 od 15.02.2016. godine;
 - 1.1.1. Mijenja se adresa sjedišta Udruženja, tako da se umjesto dosadašnje adrese: „Sarajevo, ulica Trg solidarnosti broj 2a“ upisuje nova adresa sjedišta Udruženja: „Sarajevo, ulica Skenderpašina broj 1“.
 - 1.1.2. Mijenja se adresa sjedišta podružnice Udruženja u Banja Luci, tako da se umjesto dosadašnje adrese: „Banja Luka, ulica Veselina Masleše broj 1“ upisuje nova adresa sjedišta ove podružnice Udruženja: „Banja Luka, ulica Ivana Franje Jukića broj 11 (TC Vidovići“).
 - 1.2 Upisuju se lica ovlaštena za zastupanje Udruženja u pravnom prometu: Davor Sučić, predsjednik Skupštine Udruženja i Nedim Babović, predsjednik Upravnog odbora Udruženja.
 - 1.3 Imenovanje članova Upravnog odbora Udruženja.
 - 1.4 Imenovanje članova Nadzornog odbora Udruženja.
 - 1.5 Imenovanje predsjednika i potpredsjednika Skupštine Udruženja.
2. Ovo Rješenje će se objaviti u „Službenom glasniku BiH“, o trošku podnosioca zahtjeva.

Obrazloženje

Asocijacije kompozitora-muzičkih stvaralaca“, sa sjedištem u Sarajevu, ulica Trg solidarnosti broj 2a, upisan je u Registar udruženja kod Ministarstva pravde Bosne i Hercegovine, pod registarskim brojem: RU-28/02, Knjiga I Registra, dana 12.09.2002. godine.

Podnosilac Zahtjeva je putem ovlaštene osobe dana 08.07.2021. godine podnio Zahtjev za upis promjena u Registru udruženja ovog Ministarstva, koji je dopunjen podneskom od 28.07.2021. godine.

U toku postupka Ministarstvo je utvrdilo da zahtjev nije potpun, te da sadrži nedostatke i nepravilnosti zbog kojih nije moguće izvršiti upis promjena u Registru udruženja. Ministarstvo je aktom Broj: UP09-07-1-1734/21 od 10.08.2021. godine zatražilo ispravku i dopunu zahtjeva.

Podnosilac zahtjeva podnescima od 07.09.2021. godine i 17.09.2021. godine izvršio izmjene i dopune Zahtjeva, te je uz Zahtjev dostavio sljedeću dokumentaciju: Punomoć za Zajedničku advokatsku kancelariju od 28.07.2021. godine; Izvod iz Zapisnika sa sjednice Skupštine Udruženja od 24.06.2021. godine, u kojem su navedeni prisutni članovi Skupštine Udruženja tokom trajanja sjednice ovog organa; Spisak članova Udruženja, u okviru ovjerenog prepisa Zapisnika sa sjednice Skupštine Udruženja od 24.06.2021. godine; Zapisnik sa sjednice Upravnog odbora u tehničkom mandatu, broj: Z-20-06/21 od 14.06.2021. godine; Odluku o održavanju sjednice Skupštine Udruženja, broj: O-33/01-06/21 od 14.06.2021. godine; Odluku o razrješenju i imenovanju organa Udruženja, broj: O-30-6/21 od 24.06.2021. godine; Odluku o izmjenama i dopunama Statuta Udruženja, broj: O-86-6/21 od 24.06.2021. godine; Izjave novoimenovanih članova Upravnog odbora Udruženja o prihvatanju članstva, ovjerene od nadležnih organa; ovjerene potpise i ovjerene fotokopije ličnih karti imenovanih lica ovlaštenih za zastupanje Udruženja u pravnom prometu, te dokaz o uplati administrativne takse.

Imajući u vidu sve naprijed navedeno, uvidom u priloženu dokumentaciju utvrđeno je da su ispunjeni uslovi predviđeni članom 43. stav 2. Zakona o udruženjima i fondacijama Bosne i Hercegovine i članom 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis promjena u Registru udruženja, pa je odlučeno kao u dispozitivu rješenja.

Na ovo Rješenje naplaćena je administrativna taksa u iznosu od 50,00 KM u skladu sa TAR.Brojem 108. Odluke o dopuni tarife administrativnih taksi, („Službeni glasnik BiH“ broj: 73/17).

Pouka o pravnom lijeku:

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.



Dostavljeno:

- „Asocijaciji kompozitora-muzičkih stvaralaca“, po punomoćniku Zajedničkoj advokatskoj kancelariji Jasmir Muratović, Tanja Hadžagić, Ilvana Bijeđić
Ulica Radićeva broj 17, 71 000 Sarajevo;
- Zbirka isprava;
- JP NIO “Službeni list BiH”.

Na osnovu člana 24. Statuta „Asocijacije kompozitora-muzičkih stvaralaca Skupština „Asocijacije kompozitora-muzičkih stvaralaca“ dana 24.06.2021. godine donosi

ODLUKU O IZMJENAMA I DOPUNAMA STATUTA BR. 1/16 OD 15.02.2016. GODINE

Član 1.

Usvaja se izmjena i dopuna člana 3. stav (3) Statuta AMUS-a – sjedište Udruženja i član 2. stav (2) Statuta – sjedište podružnice Banja Luka.

Član 2.

Član 3. stav (3) Statuta Udruženja mijenja se i isti sada glasi:

„Sjedište Udruženja je Sarajevo, ulica Skenderpašina br. 1“

Član 3.

Član 4. stav (2) Statuta Udruženja mijenja se i isti sada glasi:

Udruženje ima svoje podružnice u Bosni i Hercegovini i to:

Podružnicu u Banja Luci u ulici Ivana Franje Jukića br. 11 (TC Vidovići) i Podružnicu staru u ulici Kneza Branimira br. 6“.

Član 4.

Ostale odredbe Statuta ostaju nepromijenjene.

Sarajevo, 24. 06. 2021. godine
Broj: O-86-6/21


Predsjedavajući Skupštine AMUS-a
Davor Sučić

O V J E R A V A

**Ministarstvo pravde Bosne i Hercegovine
Sarajevo**

Broj: UP09-07-1-1734/21
Sarajevo, 17.09.2021. godine

**POMOĆNICA MINISTR
Slavka Alagić**

